

Quæstiones Patris in actu posteriori Bachalaurcorū Mar: 30. 1609.

Imaginatio producit reales effectus.

Quid rerum effigies miramur, templa, colossos,
Cæteraq; artificis quæ fabricata manu?
Ipsa intus mens sola facit, quæ nulla periti
Artificis manus, aut ars operosa queat,
Ecce ægrum, et tristi languentia corpora morbo,
Pharmaca, vel medicum cogitet, ecce valet.
Quid magis *Hippocrates*, Medicorum cætera turba
Quid possent? melius quod medicamen habent?
Torrida formosam parit *Æthiopissa* puellam,
Et similem *Andromeda*, quam videt, exhibuit.
Non talem *Zeuxis*, non talem insignis *Apelles*
Pinxerunt, nullum pulchrius artis opus.
Ecce viro peperit similes, absente marito
Vxor mœcha, viri dum timuit reditum.
Non opus est properes ad eò, currasue, *Sabine*,
Ipsa tuas partes iam satis vxor agit.
Non magis expectes similem, generante vel ipso,
Non opus ut redeas, siste, *Sabine*, foris.
Miraris quæ sit vires agnosce potentes
Conceptus firmi, et quid meditata valent.
Suprema resident phantasmata mente, valentq;,
Spiritus his servus, passio prompta comes.
His speciem impingunt, producitur inde recepta,
Quæq; prius species, protinus actus erit.

Ergo,

Effectus generat vehemens conceptio veros,
Et mutat mediis corpora spiritibus.

Omne ens est bonum.

VIRGO redi, redit Omne bonum, Saturnia regna
Iam redeunt, mundo quæ pepulcre malum:
Empedocles iterum redeas, non ignibus ardet,
Nunc bona, nec flammæ evomit *Æna* malas:
Flumina non mergunt, bona nunc: non inficit aër:
Quæ mala, vel Pontus nulla venena dabit:
Non *Aspis*, non *Niliacus* *Crocodilus* adorti
Aut dente, aut lachrimis, fraude, sopore premunt:
Omnis homo bonus est: nihili, vel præmia, pœnæ:
Sic dicat *Sensus*, quum legit, Omne bonum.
At non sic *Ratio*: dicit bona quæq; , sed in se,
Non aliis, aliis optima quæq; necent.
Quæcunq; existunt actu, perfecta vocare,
Perfectum omne, bonum dicere, possit idem.
Ordo, modus, species dant perfectumq; bonumq;,
Nil non perfectum: concupit omne bonum.
Intra perficiunt species, modus, ordo, sed extra
Deficiant forsan, nec tamen inde mala.
Quicquid in effectu venit imperfectius, illud,
Omne malum à causa deficiente venit.
Non est efficiens; nec agens intenderat illud,
Non sunt, sed defunt quotquot habenda mala.
Entia sunt verè quibus est essentia vera,
Entia sic possis dicere nulla mala.
Entia dicuntur, quotquot dicuntur adesse
Entibus, aut potius, quotquot abesse, mala.

Ergo,

Quicquid in essendo proprium perfectum actum,
Esto bonum: non sunt, quæ mala deficiunt.